



---

**DITAME SOBRE OS PROXECTOS DE DECRETO POLOS QUE SE ESTABLECEN OS CURRÍCULOS DOS CICLOS DE FORMACIÓN PROFESIONAL CORRESPONDENTES AOS TÍTULOS DE: TÉCNICO EN COMERCIALIZACIÓN DE PRODUTOS ALIMENTARIOS, TÉCNICO EN MANTENIMENTO DE ESTRUTURAS DE MADEIRA E MOBLAXE EN EMBARCACIÓNNS DE RECREO, TÉCNICO SUPERIOR EN MANTENIMENTO AEROMECÁNICO DE AVIÓNS CON MOTOR DE TURBINA, E TÉCNICO SUPERIOR EN VESTIARIO A MEDIDA E DE ESPECTÁCULOS.**

---

O pleno do Consello Escolar de Galicia, na súa reunión do día 17 de decembro de 2020, emite o seguinte ditame en relación cos proxectos de decreto polos que se establecen os currículos dos seguintes títulos: Técnico en Comercialización de Produtos Alimentarios; Técnico en Mantenimento de Estruturas de Madeira e Moblaxe de Embarcacións de Recreo; Técnico superior en Mantenimento Aeromecánico de Avións con Motor de Turbina; Técnico superior en Vestiario á Medida e de Espectáculos.

1. O Consello Escolar de Galicia recomenda, para os catro proxectos de currículo, a introdución de obxectivos concretos para o desenvolvemento dos aspectos reflectidos no capítulo V da Lei 2/2014 de visibilidade e non discriminación do colectivo LGBTI.

2. Igualmente, para os catro proxectos de currículo, o Consello Escolar de Galicia recomenda a inclusión de obxectivos concretos contra a violencia de xénero. Non só citando no currículo correspondente que se debe tratar de modo transversal a erradicación da violencia de xénero, se non tamén explicitado naqueles módulos do currículo no que teña encaixe.

3. Tamén, para os catro proxectos de currículo, propone a inclusión do termo “bisexual” no último apartado dos obxectivos xerais, (CM Produtos alimentarios - no artigo 9.z, páxina 10, liñas 25-29; CM Mantenimento de estruturas de madeira - no artigo 9.r, páxina 9, liñas 1-5; CS Mantenimento Aeromecánico de avións - no artigo 8.aa, páxina 10, liñas 34-38; CS Vestiario a medida- no artigo 9.x, páxina 9, liñas 32-36), quedando redactado como segue:

*“Analizar e valorar a participación, o respecto, a tolerancia e a igualdade de oportunidades, para desenvolver os valores do principio de igualdade de trato e non discriminación entre homes e mulleres nin por ningunha outra condición, nin circunstancia persoal nin social, así como a prevención da violencia de xénero e o coñecemento da realidade homosexual, bisexual, transexual, transxénero e intersexual.”*

4. Para os catro proxectos de currículo, propone a inclusión da expresión “non superior a 20” no apartado referido ao equipamento, (CM Produtos alimentarios - no artigo 11.5, páxina 11, liñas 20-23; CM Mantenimento de estruturas de madeira - no artigo 11.5, páxina 10, liñas 2-5; CS Mantenimento Aeromecánico de avións - no artigo 10.5, páxina 12, liñas 15-21; CS Vestiario a medida- no artigo 11.5, páxina 10, liñas 25-28), quedando redactado como segue:

*“A cantidade e as características dos equipamentos que se inclúen en cada espazo deberá estar en función do número de alumnos e alumnas, non superior a 20, e han ser os necesarios e suficientes para garantir a calidade do ensino e a adquisición dos resultados de aprendizaxe.”*

5. Tamén para os catro proxectos de currículo, nas táboas sobre espazos (CM Produtos alimentarios - no Anexo II, páxina 91, liña 5; CM Mantenimento de estruturas de madeira - no Anexo II, páxina 94, liña



XUNTA DE GALICIA

CONSELLERÍA DE CULTURA, EDUCACIÓN E  
UNIVERSIDADE

Edf. Adm. San Caetano s/n,  
15771 – Santiago de Compostela  
Tlf.: 981544400 Fax: 981546551



5; CS Mantemento Aeromecánico de avións - no Anexo II, páxina 13, liña 5; CS Vestiario a medida- no Anexo II, páxina 85, liña 5), o Consello Escolar de Galicia propón substituír na columna “*Superficie en m<sup>2</sup> (30 alumnos/as)*” por “*Superficie en m<sup>2</sup> (20 alumnos/as)*”, e “*Superficie en m<sup>2</sup> (20 alumnos/as)*” por “*Superficie en m<sup>2</sup> (10 alumnos/as)*”.

6. En relación aos apartados sobre autorización de postos escolares nos catro proxectos de currículo (CM Produtos alimentarios - no Anexo II, páxina 91, liña 8; CM Mantemento de estruturas de madeira - no Anexo II, páxina 136, liña 8; CS Mantemento Aeromecánico de avións - no Anexo II, páxina 136, liña 8; CS Vestiario a medida- Anexo II, páxina 86, liña 7), o Consello Escolar de Galicia propón substituír a redacción do apartado, quedando redactado como segue: “*A consellería con competencias en materia de educación autorizará unidades para menos de vinte postos escolares*”.

7. Nos apartados sobre profesorado que imparta os módulos de lingua estranxeira, para o proxecto de currículo do título de técnico superior en Mantemento Aeromecánico de Avións con Motor de Turbina (no artigo 11.8, páxina 13, linas 37-43), e para o proxecto de currículo do título de técnico superior en Vestiario á Medida e de Espectáculos (no artigo 12.4, páxina 11, linas 27-33), o Consello Escolar de Galicia propón a modificación do apartado 4, quedando redactado como segue:

“*4. O profesorado que imparta os módulos de Lingua estranxeira profesional será profesorado coa especialidade da lingua estranxeira na que se imparta o módulo de lingua estranxeira profesional.*”

8. Para o proxecto de currículo do título de Técnico en Comercialización de Produtos Alimentarios, propónse a engadir un novo punto no apartado dos obxectivo xerais (artigo 9), co seguinte texto: “*Impulsar accións de orientación para a saúde segundo os alimentos a distribuir facendo referencia explícita a clientela con alerxias a determinados alimentos.*”

9. Para o proxecto de currículo do título de técnico superior en Mantemento Aeromecánico de Avións con Motor de Turbina, no apartado sobre características dos equipamentos (no artigo 10.5, páxina 12, liña18), propónse a revisión do texto no relativo a adecuación dos equipamentos técnicos que recolle.

10. Finalmente, propón que se revise e actualice a data de implantación recollida na Disposición derradeira segunda (punto 4, páxina 19, liñas 12) do proxecto de currículo do título de técnico superior en Mantemento Aeromecánico de Avións con Motor de Turbina.

Santiago de Compostela, 18 de decembro de 2020

  
V. e pr.  
O Vicepresidente  
  
Fernando del Pozo Andrés

O Secretario  
Álvaro Arriño Roure  
